

亦
有
生
齋
集

亦有生齋集詩卷第十四

武進 趙懷玉 億孫

古今體詩

旃蒙單闕

元夕立春

元夕逢春到條風應候初寒深裘力薄病久酒杯疎好嬾常

支枕消愁但檢書清光今夜滿何物妒蟾蜍

是夜月蝕

朱侍讀

承寵

倩羅山人

聘

寫石屬余系之以詩

誰斲山石何玲瓏洞天一品具體同寫真者誰羅兩峯素壁

忽起青夫容主人夙有阿章好退食對之莞爾笑此石前身

定石麟摩挲恰應添丁報

時甫生子

自慚比德徒云云他山之攻

宜待君何當共踏天都頂盡看奇峯化作雲

族子浦好學而醇未得一衿竟以鬱死詩以傷之

直是門基弱難將祖德評

浦祖啓瑛君以長厚稱

并無三尺託不使一

衿榮夜雨孤鴛曲斜陽怪鷓聲重來應報汝黃口掇科名

紀目

百不如人健唯誇目力彊那堪年冉冉漸覺視茫茫作字常
嫌大讎書轉苦詳鏡中迷粉黛燈下失丹黃洗願方諸潔分
思幾翬光物來難雪亮塵起畏風狂老圃宜收鞠寒郊合採
桑也曾曠翦水無奈鬢添霜蒲柳衰徵早江湖逸興長看花
縱能徧何似夢羲皇

次韻答洪大

亮吉寄懷

射策君如蕭長倩齋糧我媿鄭當時那堪對雪三年病自丑以來入冬

楓病每讀懷人萬里詩損俸喜還資藥裏關心問已到尊

絲終應同踐江湖約尊酒先來燕市持

爲查給諫

瑩

題聽雨樓畫卷王太守

貞

筆也

長安多甲第難得樓凌虛聽雨尤著名歸然前代餘我年十

八九策蹇春明初朝夕詣斯樓文酒聯吾徒

歲乙酉畢湘延青同兄修撰沅

寓此屋一時如嚴長明東有鄭宗

華五李華國德德皆數相過從遠迎山氣爽近看簷花敷

鄉園一歸臥蹤蹟遂與疎幾經寓公住旋屬名流居縹緲位

甲乙樹石刪榛蕪主人屢持節久荷

知遇殊比葑涉江漢多士方涵濡忽觸將母懷遽上陳情書

詩依東哲例景倩王濛圖芳蘭佐晨羞新霽扶板輿年年履

長節介壽趨簪裾廣筵列玳瑁小部登翟瑜樓頭燦燈火樓
下喧笙竿有弟早解紱隔巷近結廬人方太邱陳或擬眉山
蘇雖云官境順能抵天倫無我亦久辭親望雲每脚躡微祿
不能養薄田反償道展卷動遐思所戀非尊鱸

故侍郎光山胡公

煦

以子尚書

季堂

之請得

旨賜謚文良侍郎先恭毅所取士也

綸音昨爲易名宜人道尚書孝格天兩字文良歸

論定九家述作接心傳

公選於易

枌榆早有明禋在組珮方看積

慶延我是通門今五世得逢盛事倍欣然

胡尚書

季堂

以其先宗伯得謚紀

恩詩見示復次元韻三首

維嶽由來降甫申，儒林傳自有完人。
成名晚，預登瀛，選汲古先垂釣海綸。
猶記在辰賢，合識重看週甲。

帝施仁

女良以乾隆丙辰去世，今正六十年。

幸綱三絕，誰同志，屈指安溪。
李文貞光

地一个臣

尙書自濟承家美

聖主偏深眷舊情

予謚遂教成，曠典著書已早見。
孤行西京，每以通經顯東國。
曾收稽古榮，自是孝思能不匱。
迢迢紫水，共迴縈

誦有清芬，漱有芳再傳，簪紱接前光。

新恩逾格，應爭賀往境，追思轉自傷。
兩字徽規，勸忠孝一時歌詠。
紀文良淵源，我最於公久。
細數遺徽，敢便忘

徐太守

大裕

以卓薦入都賦贈

春來日日盼雙旌十載相思喜合并郡列股肱資重望民消
牙角震先聲詩篇肯爲應官發意氣知從見道平

簡在久深遷拜近地高正可福蒼生

阮太史

學濟

嘗以惲南田一竹齋圖便面贈其弟子程侍

御炎侍御旣別臨一本而原本旋失太史亦久歸道山

屬詩紀之

正叔吾鄉人若營亦同里誰圖一竹齋能事萃於此吮毫想
見良工心流傳難得逢賞音淵源投贈重風義匪特翰墨因
緣深縹龍破壁潛飛去入琴俱亡抑何遠幸爾粉本別傳神
面目廬山猶可遇稻香樓中書畫多朝回時復供摩挲得師

只在虛心處眼底雲煙一任過

徐明理

母節孝詩

婦人適所天有若臣委贄不幸中道捐可以觀厥志人言撫
孤難慷慨從死易豈知撫孤中事亦非一例或豐衣與食耕
奴織問婢其心雖云苦精力未全做或忍饑與寒俯育更仰
事是爲難之難殆以日爲歲猗歟徐節母四德幼咸備婉婉
侍庭闈妙能得先意南州高士風安貧有夫壻常以操作勤
代彼束修匱翁歿夫抱疴醫禱兩無濟力屈難回天身輕思
入地君姑泣止之敦勸執大義遺孤才五齡強近鮮親懿爾
死遽塞責吾衰竟誰慰節母勉受命悲辛每潛制饑饉矧游
臻糠粒不充胃十指血有痕兩眶淚常漬閭閻染疾疫巫覡

競飽醉厲鬼夜過門早作三舍避可知正氣盛遠卻災與疹
奉姑以壽終八旬復餘四子能讀父書生孫亦有二鄉人頌
母賢入告請大吏

朝廷重風教綽楔因表異勦以晚更芳蔗因老增味休疑食
報爽福者德之致包山林屋間吾昔曾遊憩樂其靈秀鍾卜
築未遑遂令子近北來名流交盡締謂言闡幽光宜莫如文
字我文詎足傳乃不我遐棄願請質言之以俟輜軒至

六月十六夜月食宿太常寺卽事

鳴鉦奏鼓漏迢迢夜向容臺會百寮禮肅便忘筋骨倦地清
漸覺暑炎消微臣蟻蝨愁無力何物蝦蟇敢逞妖一瓣心香
三寸燭可能遊鑒到穹霄

夏日同人山豐宜門卽事

每憶城南勝來乘九夏天幾人同策馬一路但聞蟬深淺
葉放高低禾黍連翻憂故鄉旱梅雨未霑田

隨意支籬落居人半種花學慚爲老圃買羨屬豪家樹密能
遮日泉清不礙沙逢僧任畱話且喫趙州茶

和管漕帥

幹貞

寄懷之作

昔過淮南路秋風上節樓又成三歲別殊苦一官畱冰鐵風
稜著蓴鱸心蹟幽似聞輿頌好福曜正當頭

潞河旌節近日暮隔停雲猶有詩相憶緣知思不羣新編應

速寄

時索詩
集未與

清俸媿常分何日茅堂築徵文記墨君

附原作

東壁傳詞草才名昔倚樓階紅花自有杯緣客仍畱詩
以工愁進居緣示疾幽能將潔白意涵泳鳳池頭

每愛微泉閣春溪見白雲傳家唯鶴俸換字有鵝羣巷
卜青楊近堂鄰橙樹分湖鄉思洽比我意正同君

題同年江侍御

德量

所畫詩龕圖

并序

秋史侍御生平喜蓄古書畫書工八分畫不多作而天
分頗超壬子冬入都秋史方主津門講席盤桓竟日而
別別未幾而秋史歿書畫皆散去乙卯秋過梧門祭酒
出所畫詩龕圖見示展軸慨然爲題斷句

滿船書畫散如煙猶有丹青寫鞞川莫道江郎傳彩筆護持
也仗主人賢

送孫大星衍備兵山左

由來七事重監司海岱今看露冕時訪古更從行部廣說經
最與此邦宜玉堂清切三霄夢畫省賢勞六歲資款歷要令
中外徧好將精白答

殊知

連朝帳飲唱驪歌木葉風高下潞河賓從清遊隨地盛庭闈
樂事得天多故人且喜頻持節有客誰憐待補蘿甚欲去依
劉表住可能爲我築行窩

九日訪葉編修

紹桂

不過重過法源寺邀二錢生

澄溥

登

念佛臺作

題糕送酒歇風流日暮聊爲蕭寺遊訪友不逢重結侶登高

有例獨悲秋天邊澹少新鴻雁地下藏多古髑髏

相傳唐初征高麗國

傷皆葬念佛臺下

可惜東籬花賣盡不教歸去插盈頭

讀史偶書

秋窗讀史一燈紅往事都歸過眼中如汝人才皆令僕看他
得失亦雞蟲初心誰保河間婦晚境應輸塞上翁到底畱將
松鞞好蕭齋空引白楊風

挽錢侍御

禮

囊函封事儘畱詩神表如君竟止斯萬里家山身盡瘁兩番
臺閣

主深知孤真是藐貧誰託醫本無靈病亦奇攬涕自爲朝野
惜不徒風義友兼師

秋懷四首次熊大

方受韻

叢籜閒殘落葉輕眼前風物總淒清流光又覺三秋盡
久客徒教百感生詞拙叩門仍乞食望勞陟岵每關情
榮枯不入閒居夢多事書空雁字橫

詞壇少日勇擎旗虛室如今悔坐馳豎子成名無足怪
男兒作事定須奇悠悠敢望人相諒耿耿先思我弗爲
炳燭尙明塗已遠可容補誦青躬詩

宿欲西家食欲東謀身畢竟問誰工羽毛若惜飛常倦
牙爪能張假亦雄脫屣巖泉凡幾輩彈冠臺省又諸公
請看鼓棹滄江客也有人占貫月虹

故交投句慰離羣還命中車過訪勤話到家門餘浩氣隔來

城闕怕斜暎神仙位迴應論福著作庭高願定文珍重茅容
雞黍饌好畱醞酒待微醺

十月九日招同羅山人 聘桂大令 馥邵侍讀 晉涵吳贊善

錫麒周有聲李鼎元 兩舍人李 曠元 葉紹德 兩編修熊

方受張問陶 兩檢討魏 成憲 伊 秉綬 兩比部集敦經悅

史之堂舉展重陽會時王給事 友亮 不至以塵世難逢

開口笑菊花須插滿頭歸分韻得世字

八月號端午名亦維人繫重陽古佳節展之況成例彼徒十

日近此乃三句計良朋悵久疎高會庶茲繼數擬倍竹林交

初締巖桂 命 謂大 如何醉鄉人託疾不肖詣花晚菊猶香襲空

酒堪貴飛觥拇戰捷鬪韻心兵銳客方勇可賈主反倦思醜

莫言晷影促斜月又西逝送客出柴門支檠小窗閉夜闌夢
易醒坐想疑隔世

爲吳贊善錫麒題元人水邨圖

微雪初晴庭月白主人銷寒夜招客酒酣出示水邨圖布指
橫量逾二尺款識曾無作者名流傳云是元人蹟風帆沙鳥
入微茫蟹舍魚罾勞指畫問津難繼武陵遊到海空疑蓬島
隔得非初藁創吾宗

松雪有水邨圖大德六年爲錢德鈞作

或者重摹變新格

我謂主人鄉思積無怪珍之如拱璧君今三載別西湖我亦
四年拋笠澤走馬應官笑再來叩門乞食非長策有田不歸
今無田茅屋苔荒殊可惜把圖展對神欲飛安得此中同泛
宅筆牀茶竈其往還更結比鄰數晨夕

十月二十四夜集有正味齋客散復畱分韻得逢字

送客已過半主人興未慵詩剛成七子酒易罄三冬街月粉
殘柝林颺遞遠鐘莫辭重酌耐良會信難逢

和孫大觀察

星衍

兗州道中韻

衙門雪後少塵喧有客書來正歲寒行部每添新得句趨庭
卻喜乍遷官桑經注好關心讀魯國山多放眼看作宦盡如
君快意教人爭不想彈冠

爲魏比部

成憲

題丁龍泖陳楞山詩畫合冊

清蒼詩格數龍泖倩逸還兼波磔精今日寒窗重展對依然
風日近南榮

著墨無多生面開老楞妙奪白陽胎何當占斷陂塘住盡買

羣芳按譜栽

三絕猶傳舊典刑一時人物屬西泠長安儘有閒書畫未抵

攜來自過庭

冊爲比部
尊人作

桂大令

覆

六十初度以竹根三象屬題卽以爲壽

飛錫歸趺坐慣空山日長欠伸倦不費丹青費刻鏤貫休以

外開生面偶然託蹟來潭西平安日報煩綱維

阿羅漢

目懸珠齒編貝葦星遊戲人間世何年又化綠卿身彌勒龕

中同位置滑稽之雄迴絕倫那可一日無此君

東方曼倩

春見丁秋見丙直狼比地朝夕影但教堅節更虛心便與列

星爭壽永無酒學佛有酒仙老人隨遇成因緣

壽星

忻州汪刺史

本直

重修元遺山墓題寄

先生生及明昌世眼中猶見承平事
灑淚那堪晚境非關心
獨重名山寄金源文獻都沉淪
手輯言行傳君臣乾坤一亭
號野史但願身後稱詩人
白骨幾添兵死鬼黃金甲第俱流
水先生也算地行仙詩卷長留
靈不毀只今寂莫韓巖邨翁
仲無言落照昏過客誰澆一
杯酒居民空說五花墳使君下
馬心香肅入夜呼燈把碑讀
松檟重教護墓田雲初還遣依
祠屋請向當塗徧致詞表章風
雅卽吾師荒原多少無名冢
恐有人如元裕之

厭勝錢歌爲顏大令

崇禎作

藏之令人富佩之卽生男母怪世上羣
耿耿尊者以爲神昵
者遂成癖積而不散將爲厄誰生厲階
作巫蠱厭勝鑄錢由

漢武三十六種手摹拓廣文先生真好古

大令本爲廣文近以知縣用百

祿長壽紛祝詞雲龍風馬搜靈竒道書豈重敕勒術禪定要
試橫陳時挂君高堂同畫併有客買春愁未醒我欲卜卦商
行藏幾時得辨還家裝

立春日招吳贊善

錫麒

李舍人

鼎元

張

問陶

王

蘇

雨翰林

吳孝廉

南

陳上舍

詩

集亦有生齋分得看字

條風纔應節玉河冰已泮折簡招故人荒齋列杯案消寒興
漸剛買春此爲冠數典舉竹林論交比松幹燈殘促添燭爐
近思減炭人生忽五十簪勝亦可歎且拌無量飲莫學大衍
算酒罷舞不辭遠聽雞聲喚斗柄果東迴送客出門看

除夕和東坡韻三首

饋歲

閒官雖久客朋遊輪鮑佐朱門盛饋遺貧者不以貨未能遽
免俗作事笑措大投桃或忘報得酒輒思臥臥起對唐花色
香春滿座絕勝僧寮中清齋供鍛磨都下寺院每歲用除夕
鍛磨是日作鍛磨齋見
雲仙雜記交際本古風紛靡戒太過惟儉迺永圖寥寥嗟寡和

別歲

莫言代謝易如送車透遲五十是明朝昨非其能追條風扇
林際層冰泮水涯崢嶸歲去日黯慘魂消時江國橋初來關
東魚始肥呼朋日相逐唯酒能解悲故鄉不可卽痛飲且勿
辭吾衰已如此何況吾親衰

守歲

翔則爲鸞鶴蟄則爲龍蛇常恐青春往難將白日遮垂老固
足惜長貧更如何不見比鄰客出入阿殿譁爆竹處處喧街
鼓頻頻拋問夜欲趨朝起視參橫斜平生每後人窮達皆賤
陀陋彼朱翁子富貴徒矜誇

柔兆執徐

上

元日早朝

斗柄初回淑景移嵩呼兩度拜丹墀唐虞之際斯爲盛開闢
而來未有奇緒纘

三朝謨烈後化成四海養恬時行年五十臣何幸親覓

宮庭備上儀

唐花四絕句

梅花

一枝香雪豔東風移向晴窗著意烘何事孤山瘦不穩也隨
人到輾紅中

水仙

不御鉛華學道裝臨池愛寫十三行底須親解湘皋佩說著
江湖興欲狂

牡丹

殿春花使破春開幾費園丁窖火催莫怪天工遜人巧世間
富貴半求來

探春

翠裳縞袂韻深含九十風光次第探自是燕臺春較晚不知

支枕夢江南

贈陳中丞

淮

曾記開筵明聖湖近移節鉞到洪都封圻望重

天心倚山斗名高士論孚五世交曾敦孔李一鄉誼本屬枌
榆追思十六年前見海鷗風姿故未殊

衣冠海內幾清門名德文章奕葉尊雲氣上天初入宴春光
藹畫屨承

恩愛才羣讓提風雅餘慶忻看逮子孫自悵京華獨憔悴高
樓百尺瓣香存

經筵日

文淵閣侍直恭紀

祕閣頻年忝末行瞻

天又慶日重光農書才進中和節

是日爲二月二日

講席旋披小雅章

進講樂只君子民之父母二句

民瘼萬方同

怙恃心傳一脈接黃唐

是日皇帝先詣傳心殿行禮

不施步輦

謙尊備

家法原從問寢詳

題李舍人

鼎元

愛吾廬

各有結廬處官閒愛始真擁書宜羨貴款客每忘貧冷澹我
眉月飛揚京洛塵商量誰勝得住且怡神

送陶上舍

梁南還

傾耳才名識面遲恩恩又復戒行期特勤過訪因申款爲遣

離愁索贈詩二月東風人去後一江春水客歸時到家尙有
餘醅看櫻筍厨開尙見思

讀馮比部

敏昌

所爲尊人奉政

達文

行狀題後卽送比部

還傳

峩峩十萬山湜湜廉江水卓哉馮奉政允矣古君子弱冠入
膠庠十行目書史晚乃困名場冷官非得已樂育及生徒任
帥徧鄉里薰德每善良聞風或興起生平多定識夷險貞素
履神明老不衰黃髮復兒齒方期荷

三錫需宴列闔綺脩然乘白雲去來如脫屣比部今曾參泣
血不能止謂言老母存且緩須臾死嗟余交子舍十六年於
此送君更慰君瀧岡礮石埃極目天涯亭何時剖雙鯉

五十七初度自述

浮生動以百年期，倏指居然得半時。於世真憐等疣贅，與人
曾未補豪釐。悠悠衆譽寧堪信，歷歷前非豈盡知。白日漸低
春漸晚，縱教炳燭已云遲。

積薪甘讓後來薪，薄祿偏羈負米身。墮地命誰司，飲啄如天
恩獨受。

君親孟郊得第殊，多事辛讜無官亦可人。幾欲棄書重學劍，
楚江猶有未消塵。

煩惱相乘那得刪，邇來更悟治生艱。妻癯似鶴常多病，兒小
於孫只放頑。絕少雄心爭後世，并忘素業託名山。瓣香自爇
無他祝，小築林亭早閉關。

暗中衰態覺頻增，貞疾翻爲不死徵。老眼已愁迷白練，殘牙
敢戀嚼紅綾。才遲久謝八叉手，醫好要求三折肱。多少舊遊
登鬼錄，青雲莫但羨飛騰。

攜觴排日過花前，虛費親朋拄杖錢。醉後思隨流水遠，睡餘
味愛夕陽妍。宦途聊作逢場戲，歸計何勞負郭田。最好光陰
容易失，兒童竹馬是神仙。

洪大

亮吉

以其曾祖大同君

璚

秋山讀書圖見示，蓋康熙

癸未作於京師禹鴻臚

之鼎

筆也。中更遺失乾隆己酉

洪之族人於廣陵購得，乃復歸焉。先侍讀與君爲兒女
姻，圖中獨無題句，因系一詩於後。

崑霞先生古爲徒，菑畚經訓被服儒。宦遊不忘讀書樂，乘興

遺畫秋山圖是時先生選上舍詵詵弟子門牆趨

時大同方教習八旗

初宰交城繼刺霍往往甘雨隨其車一麾雲中晚作守至今
指點棠陰敷維先侍讀本同歲誼則金石姻葭李先生曾孫
我中表著作已直承明廬念圖流落數十載合浦忽喜還明
珠攜來示我索題句謂我交與常人殊圖中作者盡名宿畫
師好手推鴻臚草堂三間萬卷積如入黃海遊天都兩家舊
事頗能述明德之後要非誣自憐門祚日凌替爲學爲仕皆
成虛白雲谿邊敝廬在索米敢戀長安居有田而歸待何日
秋來空復思尊鱸還山倘遂擁書願種松歲月猶歸吾

夢回

夢回窗外午陰移閒看兒曹鬪奕棋酒可解憂偏易醒貧真

是病不能醫三千里路難歸客廿四番風欲盡時桃李自榮
還自落賣花聲又到將離

遊天主堂卽事

峩峩番人居車過常遠眺今來城西隅得徑甫深造其徒肅

將迎先路爲指導或从官義和或纔辭海嶠客多叫髯種食

配雞卵料併餌數器皆以雞卵汁和麪爲之少憩拊而升居然煥寢廟翦松

就範圍屈鐵變縈繞殿前有數閣庭松方圓不一皆裁翦所致香花中供養壁繪

天主貌曾甦垂死人能謝洪波擢壁間所畫天主事蹟亦無甚奇蹟彼

特過夸耀謂自開闢來竟絕人與肖樓頭旋奏樂彷彿八音

調轉振惟一手吹噓殊衆竅更喜火發奇迸如劔躍鞘觸機

四肢振匪藥百病療右築觀星臺儀器匠心造橫鏡曰千里

使人齊七曜迺於窺天微兼得縮地妙所惜昧穢祥但解推
蝕眺或云利瑪竇始由勝國到豈知貞觀間早有大秦號胎
源出祆玉篇阿憐切閩中謂天神不外六科要徒爭象數未
詎析理義與爲祆徐鉉增入說文

聖化溥禪瀛重譯不煩召治歷首明時量能爰策效吾儒通
三才本異索隱詰因疎專門業致被遐方笑太息遵歸塗高
林澹斜照

五日雨中

四年五日客長安風雨重教感百端待兔誰憐守株拙是龍
也覺奪標難傾來酒帶新蒲碧也盡衣更細葛寒跪地垂楊
拍隄水幾時草閣一憑欄

張烈婦詩

烈婦王氏交河人南皮學生張裕慧妻

南皮有佳士弱冠能知名交河有嬌女爰遣百兩迎上堂見
翁姑翁姑開笑口易逢好門楣難得此賢婦白華何粲粲可
以潔晨餐朱絃何愔愔可以佐君彈長吉苦嘔肝文園乃消
渴洗手夜作羹片片肱肉割春花忽碎電弱草偏傲霜蘊此
腸百結揚揚如平常豈不念尊章吾夫自有弟豈不戀呱呱
命維食母繫低頭拜食母泣嚙藐小孤倘能使之存便堪謝
吾夫殘月耿屋梁酸風激人面嗟嗟百年軀畢於三尺練不
死是其分竟死全所歸但求心之安鬼神弗敢違素壁寫遺
容烈婦嘗畫其夫遺像於壁丹青屬餘事誰繪貞烈姿縣邑膺百世

夏至日洪大

亮吉

招集寓齋

此會春明少當筵盡故鄉釀從千里致

是日飲吾鄉所寄酒

曰愛小年

長庭竹娟娟淨檐風細細涼不辭情話久坐到月昏黃

題詠篁軒雅集圖爲陳

嵩

何年無七夕高會幾人傳案戶星河影呼朋瓜果筵迎看桃

葉竝

時君新納二姬

坐喜竹陰連珍重秋如畫吟情亦可憐

題黃上舍

恩長

敦好齋印譜

楊王姜趙流傳久印史重標敦好齋自是山農家法在酸鹹

何與俗情諧

細攷偏笏證六書雕鐫手妙得心餘莫將小道輕遊藝早有

新編繼二徐

君著有二徐攷異

送王廣文

芑孫之官華亭

十載春明壯志闌，輕帆催送潞河干。
勾留連日因同調，成就名山是此官。
攜酒定多人問字，循陔最羨客褰簾。
鄉心我比君先引，峯泖終追訪戴歡。

昌平道中

曾讀一篇山水記，邇來遊蹟始經過。
此邦不少閒科第，偏是人稱風漢多。

湯山

湯山近可遊，夙願今始展。
朝發午竟達，詎嫌馬力緩。
大山高而童，小山秀而衍。
池波何渺瀰，峯勢屢迴轉。
竹樹受風多，芟荷散香遠。
亭寬每容坐，橋側不礙踐。
到此暑氣消，因之塵慮

遺但覺濃綠濃頓忘輒紅輒仰瞻

玉札文想

駐金根輦物以見用悅地亦逢時顯豈無任兵農日復勞軒
冕願言浴與風異乎三子撰

湯泉

萬物判陰陽寒乃泉之性胡爲得湯名獨感溫氣盛寰中所

在有七者名相竝

湯泉知名者七匡廬汝水尉氏驪山厚翔之駱谷和州之惠濟渝州之陳氏山居也

見研北

惟志 昌平李陵臺尤以近畿勝我來恰當暑澡浴與時稱

周遭磬以錫其下石如瑩有木塞兩竇自我操其柄出疑波
濤激去則涓滴淨暄涼若相濟深淺各適興誰司爐鞴權孰
掌燿火令吾聞致此由厥類亦靡定砂牀最和平曠窟竇偏

勁茲泉近礮石品猶不失正豈唯速離垢且喜永蠲病吾衰
况多疾安得日遊泳重到待秋涼後期此先訂

沙河

沙河明重鎮曾此建離宮北衛山陵迴西當關塞衝時清烽
斷火戍古樹棲風誰創巖城議如聞自相嵩

歸塗口占

密雲不雨日光微消受涼風試葛衣一片青山兩行柳亂蟬
聲送客車歸

送桂大令飛之官永平

我家南崗陵君家古曲阜交君雖獨遲耳君實最久憶昔來
京師青龍在乙酉參差未一見會合果非偶昨秋李生鼎座

欣然始執手自此數晨夕論文共尊酒忽作萬里行銅章而
墨綬牢山霄漢通怒江日夜吼休愁南夷偏所貴北門守嗟
君晚得第一官已白首胡爲逐風塵將毋戀升斗或者蘊經
術藉以洩期負懸車歲尚遙何患不三九君聞殊未愜唯唯
復否否此去但三年仍歸耕百畝豈知余更決無埃田之有
樹立苟自信出處皆不朽摩崖字百金勒碑人萬口君去亦
足豪書來應細剖未曾炎方住先冒溽暑走臨岐惜遠別贈
言冀虛受勤種召伯棠徐栽陶令柳

爲棟鄂少宗伯

鐵保

少宰

玉保

題聯牀對雨圖作圖時雨

人方爲學士

古有對牀約束坡與子由今看兩學士復繼此風流佳話傳

蓬島離情異，鄴州蕭蕭梧竹雨。同聽最宜秋。

莫羨郊祁盛，還應讓後賢。地分卿月迥，史奏德星聯。山斗寰中望，丹青門內綠。自憐有弟隔白日，看雲眠。

通惠河泛舟作

頻年未作野航泛，載酒恰攜人。兩三柳外斜陽波，底月都城東。是小江南。

舒穆祿運使

阿林傑

於長蘆官廨新構，意園成有詩索和。

因次其韻

園亭隨地有，得主便超然。池小容鷗浴，松多任鶴眠。偶營皆盡意，日涉自成緣。到此生詩思，清於飲露蟬。

當暑北窗臥，羲皇不遠人。澹忘軒冕貴，暇與簡編親。種樹濃

添翠爲山細作皺知君才似海小築見經綸
縱橫裁畝許入望窈而深繼日可燒燭迎風每弄琴寄懷常
在昔報政獨推今俗士應迴駕相於祇素心

清絕直沽水宜追明聖湖昌黎盤谷序摩詰輞川圖容膝居
原易題襟德不孤何當依信宿疑義析差殊

棟鄂少宗伯

鐵保

以所藏歐陽文忠公南唐官硯索詩甲

寅歲嘗爲伍堯祭酒

法式善

題硯記拓本矣復成二斷

句

容臺藏硯幾經春物得人歸信有神位業不殊遭遇好可知
六一是前身

點點涵星潤雨餘手承仙露滴蟾蜍何當萬杵成雲葉乞仿

昇元帖裏書

六月十五日雨中集蘭薰齋送桂大令

張

以玉壺買春賞

雨茅屋爲韻分得壺字

故人折柬敕豐厨敢憚衝泥戒僕夫小飲八仙都放浪暫遊
萬里莫脚蹶樹高隔院濃陰徧雨快連朝者氣無歡緒乍申
離思起且拌爛醉覆瓢壺

吳侍讀

錫麒

招遊澄懷園爲雨所阻走筆索和

翰林主人迴離俗厭抗黃塵愛林谷都城西去有名園凡鳥
未容輕止宿四時之氣夏更清千章木聚鳴蟬聲開軒便有
芰荷對一杯儘可消三庚三十年前我曾住

歲乙酉嘗從劉先生星庵讀書

於入夢難忘舊遊處只今恰得好居停索飲會須酬斐句果

聞治具相招邀四人同心興益高
謂祭酒法式善比部伊秉綬水部何道生宵來
風雨忽交作曉起愁聽聲蕭蕭乃知有約苦不到先生宅比
羅浮妙紅衣易落西風峭珍重餘芳畱曲沼

舍弟

珠玉

書來以余五十初度寄兕觥爲壽觥飲中八

仙款有文樞製三字鏤刻極工詩以答之

經月未有南書傳看雲白日常倦眠朝來瘦弟書忽至發械
讀罷情纏綿書中大旨我能剖勸我及時開笑口謂言今年
鎮五十遠寄兕觥爲介壽切伽一角光如濡上有飲中八仙
圖作觥者誰製何巧署名隱約文與樞輒紅深處炎歊苦合
遣辟塵兼辟暑念子節飲已頻年興到不辭觴疊舉枯魚屈
蝮困所遭素衣久化徒勞勞朝天敢望汝陽貴費錢又難左

相豪年華空羨宗之少看鏡自悲還自笑
仙才聖草客無能
雄辯高譚骨猶傲何時去作鑑湖長閉戶
逃禪滅羣想任他
宿債負尋常容我浮蹤遊曠蕩前非未覺鬢
霜侵深杯那敵
愁腸深叩門詞窮歸抱却但博日日添狂吟
白雲溪邊數株
柳春水狎鷗吾舊友對牀聽雨待明年與爾
盡傾家釀酒

送舍姪

學轍

南還

梧葉報秋寒西風曉跨鞍兩番憐下第曠歲滯長安且泛明
湖艇

時將先之山左

還加遠道餐蘆溝今夜月應怕舉頭看

送人頻折柳又送汝將歸久聚情難別長貧計各非
菱思蘆
聖脆蟹愛稻田肥吾亦抽簪決明年著芟衣

附和作

遊子慘將發秋光正滿鞍相依經歲久幸託一枝安夜
侍深杯飲朝分薄俸餐自憐茲別後青眼更誰看
尙欲依人去浮蹤苦未歸蕭條生計拙太息世情非
客心如醉端憂貌不肥幾時能復聚回首淚沾衣

孔褒印拓本六韻

執義如從事高名自不刊碑憐貞石損印喜吉金完布白文
殊古凝朱血未乾無慙尼父後竟老豫州官業早春秋貫家
眞兄弟難到今方寸紙珍重使人看

左大令輔書來竝寄宣城紙詩以答之

一九曾荷餉松滋去歲惠墨萬杵重將雲葉貽腸與墨磨肝作紙

間窗日日寫相思

七夕冒雨訪吳侍讀

錫麒

於澄懷園之小清涼館流連永

夕卽事成篇

兩訪名園因雨阻今來復遇翻盆雨不辭策蹇及蕭辰且喜

到門未亭午一鞭方法遠衝泥二屨那知先在戶

謂梧門祭酒

粉沾衣輕作雪松枝塞徑粗於柱主人聞聲倒屣出脫帽披

襟喧笑語開窗便看葉田田花似逢迎相向舞井梧墜後甫

三日爽氣居然滿庭宇始知吟本小清涼不藉金風纔破暑

操觚速了翰墨緣

先作小詩爲未谷題扇

入座旋爲杯琖舉飲豪頗傲

河朔會地迴應過半干鴨堆盤菱藕飽咀嚼供饌魚鰕巧烹

煮碧筍擎到滴眞珠以口承之清沁腑舌鋒那肯讓儕輩拇

蹶直同巖部伍曠色將低暮蟬飲水光乍閃流螢聚同遊七

子作者三

謂未谷梧
門蘭士

我醉欲眠忘客主占同滅頂衆且狂

存

船山以泗
水爲戲

說可解頤吾所與

謂主人
及墨卿

良宵況值鵲填橋新月

如鉤闕眉嫵莫道神仙會合難終勝塵寰別離苦卷簾凝目
對河漢觸壁垂頭笑童豎洗車剛罷又灑淚多事天邊是牛
女今夕偏教雨占多此間獨得秋如許夜聽清響徹孤枕曉
覺新寒侵薄紵主人出酒盡餘歡是樂平生寧易數同心能
共幾朝夕陳蹟大都一仰俯采得夫容香送人歸塗車穩疑
搖櫓雨既能來晴更佳清遊擬待中秋補

和禮王世子

昭捷

見贈元韻

珠璣四十字讀過韻冷然未共西園賞常懷東閣賢心緣愛
才切句爲表忠傳

世子有題故鳳山令
湯大奎笈所瑣談詩

自愧殊枚速經營勉

屬篇

爲族弟

汝恭

題松陰散步圖

造物孕靈秀山水一洩之不有千章木安見輝映奇就中孰
天矯尤在蒼宮枝時作風雨聲能幻蚪龍姿伊人宛如玉散
步茲爲宜松根劖茯苓松下擷華芝聊以充服食匪獨娛襟
期誰歟寫丹青畢宏老畫師命意旣高遠下筆殊紛披阿連
正年少奮發當有爲俛可青紫拾仰則雲霄馳胡爲慕神仙
巖壑耽棲遲此乃老夫事子尙非其時

八月十四夜直廬作

禁外遙傳擊柝聲露華濃處月分明中秋節近鄉心起大角
芒銷兵氣清

時兩湖賊匪
漸次剿平

豈望人題木居士祇應身伴古先

生故山桂樹誰招隱孤負花前酒一觥

題莊生

曾儀

詩詞後

五七言中三折肱幾回風雨詠青燈義山儘可雄唐代何必
衣冠學杜陵

錦囊得句憶當時辛辛苦曾聞母是師七十四材分小雅性情
終數蓼莪詩

已有篇章負盛名還將餘事倚新聲稼軒兀傲梅谿婉不是
天才學不成

紀尙書

的

拙於書皆門下士代寫同年伊比部

秉綬

輯其

硯銘草彙裝之成冊次韻題後

銘辭甘紙翦裁新筆斗香奩硯其珍

冊中研銘之外有
筆斗鏡函二銘

塗改

漫嫌隨意寫裝池難得有心人

闕微堂左拓窗紗想見揮豪落彩霞持與柳家新樣比可能
斂手笑薑芽

秩宗文字久撐腸壽石緣還藉省郎我亦乞書盧子幹數行
殘墨至今藏

召弓學士亦拙於書簡翰多起草
屬人錄之唯子則必欲致其手蹟

送周舍人有聲之官黔中

青龍在重光我始交希甫

舍人字

時方直西掖幸得隨步武出

常車騎聯入每几硯伍君遭乾蔭頹我失春暉煦從此隔音
塵曠越九寒暑前年來都門未知君館所君先過敝廬肝鬲
快傾吐謂子別後文駸駸益入古俾作先人傳用光循吏部
轉眼倏五霜應官長聽鼓君僅博一第我更無足數叩門拙

致辭仰屋歎終窶且喜君資深可免索米苦朝來閱除書
詔往金筑府君家住臨湘咫尺故鄉土所欣近枌榆所慮乏
資斧公爾卽忘私彼舍則此取牂柯本巖疆首賴扞牧圉西
南連六詔東北控三楚種旣雜苗獠俗亦尙劔弩咸聞息烽
燧是宜急楮拊至於宦通塞早有命宰主相期保初終慎勿
枉卑俯君曾稟庭誥家况畱治譜想見學淵源母煩告覲縷
窮秋方凜冽滿城正風雨旅雁晨遰天節花晚開圃迆矣萬
里行黯然一尊舉我將覓尊鱸君勉曳珪組他年倘重逢好
証出與處

班婕妤二首

承恩柘館生男日流涕東宮作賦年不是故辭同輦寵早知

秋到扇先捐

白華無色綠衣新之子知幾殆有神堯母門題鉤弋死漢家
何止薄功臣

子 昶

姪學彭 校字

亦有生齋集詩卷第十四

亦有生齋集詩卷第十五

武進 趙懷玉 億孫

古今體詩

柔兆執徐

下

九月二日游安樂園卽事

朝出豐宜門秋原眇寥廓遠村何曖曖野水猶漠漠荷芰紛
離披菰蔣亦漂泊那知有園林且喜擅邱壑樹皆百年餘地
更十畝拓池寬暗藏艇岡峻劣容鑱過棚憶葡萄面圃思芍
藥頗羨園居人買田能負郭

城西盛別業大半元人造傳聞廣宣王朝夕恒於斯

相傳園
爲耶律

文正故居門前雙石獸應伴行馬施滄桑幾易主湮沒難具知好

之客無力居，或人非宜造物。每畱憾行樂，須及時不見平泉。
築垂老崖州，馳文成草木。記守與孫子，期勝境亦何常。聞者
領畧之，苟能此日涉，奚翅吾廬移。

獨樂堂如衆清緣，詎全慳當茲好風日。庶幾一追攀，雜坐諧
謔作忘形禮。數刪行厨出竹裏，廣席依松閒。把杯復持螯，兩
手不肖閒好游。勇可賈對酒，膽愈豚涼風。颯上衣夕陽漸沈
山會心塵盞外，遠跡聲利闕且盡。今日永無畏重來艱。

金尚書山林

名園今寂若古意，自蒼然小閣環秋水。荒亭積暮煙，畱題多
漫滅。過客尚流連，恐下巖城鑰。恩恩又著鞭。

同葉編修

紹楙

訪吳侍讀

錫麒

於澄懷園不值過何氏酒

樓小飲用山谷題息軒登快閣二首韻

不到園池剛兩月荷餘敗葉滿添叢訪君每至必逢雨有客
能來共詠風東序傳經歸直晚北窗連榻入秋同商量老學
如今少得暇還期過放翁

興盡迴車聊覓醉居然雨歇快新晴三層小閣攝衣上一角
遠山到眼明如畫樓臺紛掩映趁喧喧冠蓋自縱橫歸耕各有
來年約把酒毋忘此日盟

編修有明歲
同歸之訂

昆明湖

小步西堤上昆明一望收水光清鑑髮山翠澹宜秋遙作都
城衛頻經

御輦游安瀾恢禹績卅載鎮金牛

隄有銅牛乾隆乙亥年鑄

九日集陶然亭歸登黑窰廠作

重陽易風雨難得秋光澄江亭擅城南盍簪結游朋是日舉

國狂車騎殊喧騰敢云嗜好異聊踵習俗恒有約或應官

胡舍

人枚入直避囂且尋僧與葉編修紹桂獨游龍泉寺松栢永樂詰巷蘆寒雪欲徧禱晚

花未曾須臾衆漸散斟酌興可乘雄談抉神鬼縱酒吞淮澗

雙輪夕已駕一閣高重登山從背面出月正當頭升驅車陟

陔陀四望暮色凝名流旣云邈餘蹟猶堪憑人固有代謝地

亦遞廢興太息遵歸塗遙指林梢銜

畫梅歌爲陳嵩

元章好竹君詠篁畫梅無怪盡所長元章沒骨工設色君廢

臙脂獨濡墨有時下筆澹不收斜月欲落輕煙浮有時屈鉢

紛作幹墨蚪夜驚濤拍岸千枝萬枝出匠心煮石農死誰知
音獨寫橫斜兩三朶補之牧之無不可君家江北吾江南卜
居隨處花爲菴如何各走三千里風雪漫天醉燕市君名一
日傾公侯尺幅爭致兼金求能畫梅花臥游好我若嚼花饑
亦飽寫圖那及手自裁擬攜鴉嘴從君回

題舅氏葉先生

樹藩

梅花水仙小幀

有序

舅氏工畫而恒不署名生平所作絕少予僅得二幅一
爲山水卷子已邀同人題詠一爲此幀裝而弄之未及
題識今舅氏沒十三年矣客臆檢閱爲之泫然因系小
詩俾有所考時嘉慶初元九月

能畫不求名有才乃無命寫生亦偶然尺幅誰與竝疎疎落

墨絕塵滓補之彝齋今不死羅浮美人洛浦妃直欲招之來
腕底寒窗一日三摩挲花兮花兮奈汝何人生難得顏長醜
春風那及秋風多

題蔣學正

和

傳箴圖卽送南歸省墓

湘帆先生衡手寫經妙蹟直繼唐開成餘事集詩詩五首便
而作書貽子婦康彊逢吉寓祝詞婦也能賢母則慈不傳諸
伯傳諸仲想見庭闈親授時可憐寸草心長碎傳箴圖成一
而再伏膺常同栢棧陳關山遠向輪蹄載只今勒石輝鴻都
能共不朽唯斯圖表章母德遍海內題辭卷已牛腰龐居然
孝子慈孫備肯負當年傳箴意姓名早荷

九重知風雨仍將一椽蔽從來珠桂是長安況復鄭虔居冷

官賈文換得三升酒醉裏乾坤喜獨寬知君少小別邱墓夢
中迷卻松楸路攜圖聞欲返江鄉至性卽君難及處馬頭霜
重悲蕭晨還君之圖淚滿巾春暉未報垂垂老我亦同爲無
母人

家觀察

翼

七十初度詩以寄祝卽用壬子秋送別元韻

廿載懸車久今年杖國纔神仙誰得地中外共稱才書著蘭
咳暇人登蓬頂來最欣初度日恰值嶺梅開

宦跡粵黔遠家風琴鶴清檄曾揮幕府詩每紀游程傳世方
爲壽藏山必擇名一編流播處萬口誦同聲

樂事天倫備韋經教不違籤看啟瓊笈鄴喜繞斑衣已擢桐
枝秀頻添椿樹圍祝公無傑句慙附塞鴻飛

晚松鄉味好春酒壽杯深雲樹三千里音書一寸心思歸猶
緩緩爭道任駸駸相約隨鳩杖重披選勝襟

送崔學士

景儀

出守思恩

我昔與君舉同歲我長於君視如弟我官曾未進寸階君乃
三遷致身易門才北地如君稀位置只覺槐廳宜方今

天子重方面一麾俾守五嶺西驛程雖遙非失意乞郡詞臣
有成例不曾彊仕已專城大可發揮胸臆志堂前有親尙黑
頭籌筆正臨雄楚樓茲行定省快畫繡奏捷應及趨庭秋文
章政事酬

知遇使星歸來福星去

君嘗典
試粵西

離觴在手雪滿天送人作郡

空年年

哭女十二首 有序

丙辰十月廿六日得長女孟嫻凶問哀衷所觸拉雜成詩畧盡生平以當一哭云爾

也曾看似掌中珍石火光幻此身二十九年空墜地可憐

生死不相親

女生於戊子五月余時在都下

失恃哀號僅七齡提攜弱妹各伶仃此時已悟浮休理女七歲喪

母卽有此身可厭之語無怪人先薤露零

少依外氏泛吳船尤博高堂二老憐送過雲溪如送死子家與婿

家止隔白雲溪一水

比隣嫁得亦徒然

血作羹湯肉作糜焚香夜讀禱神詞張孺人病革女割股以進并願減算代母幾

家前女能如汝不信天心竟不慈

女紅每惜寸陰長中饋時還習酒漿莫道深閨未更事等閒
辛苦備先嘗

一臥滄江病裏過牀頭執手淚痕多那知蒲柳翻無恙枉現

空華優鉢羅歲已酉余患肝病頗劇女常飲泣

斬新花鳥稱心墓人說鉞神近所無猶記春觴介眉壽色絲

親繡九如圖壬子正月家君七十生辰女製壽星像特工

槐花黃後好音遲兩世喪偏兩載支憔悴不徒勤鞠子卷施

心已碎多時甲寅秋女夫貴甲以落舉畱滯都門女登遭王姑及君舅之喪遂得咯血症今年夏復以外孫

阿穢病危力疾撫視子愈而母不起矣

豐容盛鬋想全非兒女熒熒竟孰依曾共壻家甘澹泊入棺

仍著嫁時衣

桂花纔謝菊初開，月黑霜寒慘夜臺。女没于九月三十日欲涉關山應
膽怯，併無魂魄夢中來。

書到全家涕泗紛，忍揩澀眼望南雲。黃河隔便黃泉隔，喚女
聲聲可得聞。

身後原知百事虛，秋潮曾否達雙魚。七月中曾作書寄女棠梨一樹墳
三尺，銘壙何時慰女孀。

十一月十五日第三女叔嫵隨其壻龍郎輔歸蕪湖送至

長新店作

同來旅館話燈殘，老淚臨歧一再彈。正是分張徧月滿，未堪
跋涉況天寒。嫁仍骨肉三年聚，歸願姑嫜一見歡。此去唱隨
應北望，早憑江鯉報平安。

冬夜溫編修

汝道

招集氾香吟舫分得坡字

十年小別等閒過情話重聯感逝波酒力厚支寒氣猛樹枝
疎受月光多地幽住許僧隣近君寓對千佛菴客醉歸防尉叱訶同
欲買山誰更決相期陽羨訪東坡

爲畢上舍

用霖

題陳生

鑑

畫畫中梅一枝茶壺一具而已

頗歷落有致

候火常烹第二泉銅坑幾結看花緣江鄉見慣渾閒事說向
風塵便是仙

砂壺貯茗數宜興靜對寒梅味似僧此福甚時歸領畧紙窗
竹屋一青燈

十二月十九日翁學士

方綱

招同羅山人

聘

伊比部

秉綬

方明經

楷

金秀才

學蓮

集蘇齋修東坡生日之祀上遡

景祐丙子葢七百六十一年矣

瓣香重爲坡仙設雪後蘇齋曙色澄入古須眉同魯直

齊中並懸

山谷

步塵翰墨有吳興

是日觀公偃松屏贊及松雪天冠山詩真跡

圖成濃淡俱

臻妙

學士有蘇齋三圖

詩和尖义或未能

是日學士詩先成卽和雪後題北臺壁韻

七百

六旬長不朽壽公何止比川增

是晚洪大

亮吉

復以東坡生日招同人集卷施閣歸而作

歌

朝從蘇齋歸暮過卷施閣卷施閣比蘇齋幽竹樹無多具邱壑就中特祀玉局翁再拜焚香奠遵爵祭餘飲福各傾醪戶則分曹瓊交錯或猶尙論示抑揚或竟疑神游寂寞是時雪

後夜色明斜月添輝映簾箔室溫頗畏獸炭偏氣盛欲謝狐
裘著忽然臆紙鳴不休万竅怒號風競作恍如置我江湖邊
兀兀孤舟不能泊得非感格靈之來風馬雲旗蔽寥廓翁生
丙子今丙辰屈指天干符歲箭遙遙七百六十年壽世聲聞
久彌燦文章尤賴忠義傳自命故應高所託吾儕行樂無遠
謀但向生前計杯酌須臾風定酒亦闌燈火歸人驚倦鵲

小除夕集卷施閣仿唐人賈閔仙祭詩例作

前日祭東坡今日祭閔仙卷施閣中開廣筵尙友手古招時
賢鑄金頂禮今陳迹好事重看像懸壁從來詩以歲除祭破
例何妨先一夕詩傳豈在爭多寡相知誰定吾文者楓落吳
江負盛名等身著述翻居下且向生前盡一杯蘇李沈宋俱

塵埃糟邱可埋此間樂避債那必尋諺臺是日知交半海內
隔坐分曹各成隊我雖小戶勢頗張摩壘而來倒戈退坐中
有客家天都手攜爆竹高而轟一聲已使凍雲裂繞樹三匝
驚栖鳥須臾客散驅車並餘酒還當風力勁只愁債主立門
前歸去教人敗清興君不見今年冬暖如三春街頭猶有號
寒人我能狂歌未覺貧況復酒脯償精神

疆圉大荒落

歲甲寅禮世子

昭捷

嘗介所親屬訂詩彙且索序言然初

未識面也丁巳元旦塗遇忽遣前騎來問知是

懷玉

下

車握手意誼殷然賦此奉贈

未作朱門謁偏爲紫陌迎何由知姓氏遽爾駐麾旌良會疑

天假名言使俗驚昔原勞贈綺今直抵班荆展慶聊從衆開
韶喜放晴萍蹤殊可紀吉日況元正

人曰立春童孝廉

廣陽

招同人集吾心書屋分韻得身字

二首

煎餅聞遺俗嘉招有故人八仙宜會飲七日恰迎春月影東
軒早梅花昨夢頻何時剪蒿韭穩著草堂身

猶是辛盤例居然味極珍把杯忘客舍對鴈羨歸人且闕新
拈韻休孤健在身當筵各親懿情話不嫌真

上元前一夕溫舍人

汝能

招飲卽席作

吹而東風不夜天索羅占後入芳筵人從傳座連朝醉月爲
張燈初度圓盆列唐花春意滿壁臨晉帖墨痕鮮

壁間有舍人自臨二

王狀如五鼓猶轟飲直欲君家借榻眠

燕九日西廡觀煙火歌

韶華獻歲逾半月屈指已落第四冀俗徵故事尙燕九冠蓋
雜還游郊垞人間燈收靜簾幙天上春永開軒屏

西苑之西地尤曠

詔進百戲陳于庭昇平事當與衆樂北極北漠東東溟山高
水長機名望縹眇罷設訶禁疎瑤局是時日下暝色薄纖塵不

起遙天青秋千影隨燕雀動舞萬隊逐鷓鴣停排字都成吉
祥兆奏歌合抵鈞韶聽我我崑山列火樹誰秉橐籥驅風霆
五里迷漫滃香霧九霄璀璨攢紫星灼灼能來花頃刻纍纍
如貫珠瓏玲就中萬盞更奇絕黃金出冶粉晶煖玩膏鶴談

各騰躍激矢飛礮皆空靈須臾鏗鼓響亦寂神功徐歛仍無
形方今楚蜀烽漸息屢豐況慶老復丁縱有流亡邀

燭照便教震撼歸綏益小臣觀止思紀盛撞洪鐘柰慚枯莖
直廬邊憶耿不寐輝輝蟾魄穿虛櫺

次韻爲吳典籍

文桂

題黃戶部

錢

所寫歛中山水卽送歸

歛

野鶴何心夢著緋海鷗無事自然肥披圖不效臨淵羨來歲
春風我亦歸

管大侍御

世銘

今年政六十矣賦贈三百字

君家門祚厚文章接忠義少服負米勞曾不廢講肄嘗謂應
舉作要自窮經始山之無本原談亦何容易汎濫及詩歌酸

鹹殊愛嗜氣皆虹貫月聲必金擲地三誤中副車晚乃青雲
致出入判既均平反才更試羣公虛左待上相刮目視因遷
樞禁直屢奉皇華使冰看太液嬉樹倚溫室祕旋登臺閣選
兼重耳目寄且爲鳳鳴和不作鷹擊鷲英英眉間魚鰓鬱胸
中志豈惟識力定并覺精神異吾家與君家累葉訂交誼君
長近十年幼卽以兄事得句共商推逢場恣游戲雖經幾回
別未斷數行字滄江分長臥京國忽重至春盤每傳座秋塞
頻聯騎君今已周甲天俾昌而熾相莊白首偕逢吉綵衣侍
著述矧不朽身名信俱利園笑桃李榮徑思松蘿蒔盈尊重
勸酬片語慎省記君年七十一我亦六十二敝廬我早歸初
衣君合遂於時成兩老庶幾證無媿婆娑風月中當博日日

醉

同年石修撰魁玉重次蘭亭序字爲文棟鄂侍郎戴保爲

書一通因題其後

蘭亭一序繫人思千載重排絕妙辭乞得侍郎書邊筆各疑
腕下有義之

又近芳林被袂天風光卻憶永和年何當覓箇流觴處泥飲
同攜三百錢

法源寺分詠二首

佛牙

一牙已如許丈六況全身迎到從何代藏來或有因傳觀爭
噴噴說法想津津不壞煩呵護休教碎作塵

眞武畫像

既足復披髮誰歎兒此顏然疑文進筆

像無款識或以爲歎靜菴蹟

位業

武當山猶是龜蛇列來依龍象間春游一瞻禮香火靜禪關

送陳奎文

嵩

歸如臯

銷暑銷寒迭主賓邢堪尊酒餞芳辰風塵幾載客驚座書畫
一船歸傲人此別好堅攜手約與君各有倚閭親碧霞山色
連珠水到日應開婪尾春

二月廿六日舉第二子名曰添丁漫成

生兒丁日復丁年便喚添丁效玉川貧甚預愁昏娶累望深
先祝性情賢愛懸弧值鶯花節拌典裘開湯餅筵好待與兄

同就塾五齡以長怡隨肩

大兒震
壬子生

陸沈漸覺鬢霜催，慙媿徐卿第二孩。此子一生殊未定，而翁
大秩已初開。家餘羣籍知誰讀，世有名山遲我來。且博含飴
慰親意，晬盤試後共舟回。

題湖山歸養圖送吳侍讀

錫麒

車前赫赫擁八騶，何似單舸容遨遊。甲第紛紛陳八簋，何似
芳蘭勤掇采清華。久懸官不卑雞肋，宦味餘可推望雲。但覺
日堪愛，陳情急趁春同歸。有親具慶，臻眉壽有子能文，承指
授得天本是君獨優。論福故宜神所佑，春明祖帳近清明。雜
花著樹鳥弄聲，潞河一篙新漲碧。舟行此去多逢迎，入門團
圞話無恙。鱗魚好佐傾家釀，倘卸宮袍換綠衣。可向人間憶
天上兩峯，羅聘爲作歸養圖。湖山風景畧不殊，扶持二老出游

賞夾岸應識延陵吳。爾君未能我心苦。我亦親年七十五。相期明歲南風燕。先省庭闈再訪君。

俞貞女詩

貞女無錫人。字高郵。拔貢生金蘭蘭死。女欲以身殉。母守之嚴。不得死。畫女貞花。題詩見志。逾半載病瘵歿。

臣從筮仕始。嬾以廟見成。字而猶未嫁。究異百兩迎。遽責矢靡他。毋乃太過。情志行苟。獨著世俗反所驚。卓哉梁溪女。竟守在室。貞手繪女貞花。直爲已寫生。卷施心暗碎。杜宇啼無聲。終作黃墟歸。冑比鴻毛輕。但求魂魄安。違計毀譽爭。金生才翩翩。朗如玉山行。自從揚州別。契濶歲屢更。何期早芳隕。使我老淚傾。相隨有嘉耦。亮已慰素誠。彤史洵足昭。菽林竝

增榮倘推法外意應荷綽楔旌

清明日集陶然亭分得家字

新煙出樹柳藏鴉攜酒同膏南郭車望遠恰宜窗列岫尋春
可惜地無花因耽談詠游蹤合永憶江湖歸計賒珍重一尊

傾日暮明朝又送客還家

謂吳侍
讀錫麒

題邵進士

葆祺
詩後

詞壇飛將醉鄉侯天遣風雲筆底收莫道無人替平子

謂張
檢討

問陶時
別遺獨逢君我又一低頭

龐檢討

士冠
朱比部
文翰

同日生子兩人皆好禪龐先有

詩朱復和之余亦戲次其韻

同日桑弧設聯吟若自嗤充闕互恣鬱

東坡詩鬱意
佳氣夜充闕

入抱各

變呀心豈從飛絮身誰免挂絲相看成一矣我亦近生兒

送鮑民部之錄還京口

春來日醉離亭酒折盡春明門外柳祖帳今朝又到君論交

屈指無君久憶昔同客秦淮濱青龍在午月在申司空

歲壬午故

等郎劉公星煒方視安徽學

座上一把手衆中意誼尤相親

行宮旋奏長楊賦第一才名先得路踈足方輪騏驎塵散仙

竟隔蓬萊住深嚴雞木曾因依君入曹司我亦歸黔粵羨栽

桃李樹江湖慙脫芰荷衣朔飢索米長安道落落晨星舊游

少俊逸猶推鮑照詩蹉跎漸惜馮唐老君家卜築對金焦歎

枕往往聞波濤故園此去良不惡種松料已如人高茶煙禪

榻何時共三十六年如一夢東風餘寒且珍重自有飛花管

迎送

三月廿五日大風獨游法源崇效兩寺看花歌

揚沙十日驚飈輪閉門席凝一寸塵九旬花事已過盡此時
不出孤芳辰看花最好在何處城西兩寺能藏春便爾驅車
逆風去如衝逆浪江湖濱先經法源後崇效獨往不見同游
人花兮開亦有遲早丁香色減梨花新就中海棠本奇豔一
朝受妒封姨神支離蕉萃有重困不成春睡愁含顰由來名
盛易遭侮松柏亦復摧為薪徘徊花下三大息萬物榮落皆
前因明朝重過試檢點誰者墮厠誰飄茵

四月十三日舒穆祿此部 阿林保 招集適園分得失字

春去未浹旬嘉招得良日圓開蔣逕三人過竹林七新綠庭

已齊牡丹圃初茁如登襄陽船直入維摩室主客形兩忘坐
起興俱逸謀篇集腋成是日以詩得句脫口出須臾羅羞珍
酬酢各真率大戶互相誇沈酣肯告畢夕易向晚頽歸路驅
車疾補詩甚追遺常恐斯景失

正陽古慎陽地東漢黃叔度故里縣治西北有徵君祠年
久圯壞常熟張夔子恂見之言于有司加修葺焉索詩

紀事

言論風旨無所聞天下其號黃徵君亦舉孝廉辟公府出處
聊隨時仰俯東京標榜尙一時君之淺深乃莫知臨朝晚致
陳蕃歎逆旅少爲荀淑師德如顏淵壽同短生年何必期頤
滿祇愁慎水祠久荒日炙雨淋人不管有心難得南沙張一

朝棖桷重輝煌能成盛舉卽千古想見山高與水長茫茫誰
更追芳躅澄之不清滄不濁頌君直欲廢文辭天祿外史眞
蛇足

哭史觀察

夢琦

傳聞丹旆到鄉關遠使人乘老淚潸持節有聲歌粵海蓋棺
無計出閩山

君罷官後留滯經年始
得歸卒於甌窰舟次

廿年臺閣原輕去百尺

絲蘿亦誤攀孤負興賢

君所居
里名

舊華屋不畱松菊待君還

挽王通政

友亮

除目頻登鬼錄催傷心卿月黯銀臺浮生祇博經年快薄命
疑根往劫來視歛含惟畱白髮

君歿之日惟
太夫人在都

望松楸竟殉黃

埃

君病中已乞省墓假
報可仍未得歸

風流頓盡吾誰與千首詩篇酒一杯

病中雜詠

一官已禿中書髡二頃今非季子田惟有病魔驅未得不居
人後占人先

急雨翻盆響夜闌重衾猶自怯衾單貧家偏觸天公惱典過
春衣分外寒

檢點方書孰奏功車前一七效歐公醫來還把烏頭進要使
灰心換熱中

階前漸覺蕪苔長門外稀聞車馬過莫怪客疎因病後往來
同調本無多

新買雙株夾竹桃弱枝忍遣與風糜憐他花亦如人瘁盡日
低頭不敢高

惺忪歸夢破荒雞欲寄鄉書嬾未題已是身緣多累誤關情

又到小兒啼

時添丁
患病

省卻朝朝聽鼓聲匡牀閒看月虧盈瀆川倘遂誅茅願

時有卜居

木積之意學道餘還學養生

附和作

戴殿泗

紅藥翻階十八年未甘問舍與求田維摩示疾原非疾
懶著鞭爭祖逸先

落月相過共倚闌深談不復怯形單由來世德門如水
怪道能消一味寒

軟飽三杯最有功清吟萬首睨天公緣知病後神逾王
浮世妍花總鏡中

愛客清尊當座滿，陰人綠樹隔窗過。偶聞三日無談笑，
枕上詩添小篋多。

笑煞綬山問一桃，積年塵土忍相塵。何如五嶽兼昏嫁，
放鹿青崖興最高。

歌殘白日復黃雞，慷慨難勝白傅題。一事慣從風過耳，
晴鳩啼罷雨鳩啼。

領得桓伊弄笛聲，七言七首素箋盈。新愁那逐輕風去，
涼月窺檐太瘦生。

同年陳舍人煜招泛通惠河卽事

屢悵清游阻，今乘雨後來。三篙新漲滿，一角夕陽開。隔舫頻
呼饌，當風數舉杯。偶逢籬落好，小泊一徘徊。

閉牖遂成瀑真如屋建瓴夏還飛急雪晴每走驚霆客有投
錢去急湍中羣兒泗水爲戲人人誰倚檻聽兒童輕狎浪性
命等浮萍

壺觴已酣客雷雨又催詩天意神難測塵襟洗亦宜竹林追

雅集

是口同座七人

榆火感前期

甲寅清明前一日王給諫友亮招游於此

車馬城東路

衝泥歸去遲

葉舍人

繼雯

招游尺五莊

尺五名園水繞之城南有路接豐宜已爲野老羣游地曾見
尙書獨樂時菡萏得風香易散簷簷障日暑難欺多君退食
猶招客好事岑參未足奇

送楊三

倫

之官粵西

銜杯方話三年別飛鳥俄看萬里行惟所使期能報

國最難撫是乍休兵去憐老友歌驪送到有諸蠻跨象迎好
待政成多暇日更從桂海志虞衡

爲顏明府

崇禎

題聽泉石門二首合卷卽送作宰興化

欲洗箏琶耳聊憑漱玉音須教施物溥莫戀在山深歆石閒
來坐真源悟後尋長官清似此藉爾一盟心

清絕石門境輸君占取多巖畱古冰雪塢絡舊藤蘿治蹟雷
封始游蹤駒隙過蜀岡煙月好較此定如何

立秋前一日與顏明府

崇禎

洪編修

亮吉

行祥門看荷復

邀伍堯祭酒

法式善

同出德勝門步至極樂寺作

五日四僦直寅入出逾午遮眼惟文書打頭易風雨今晨幸

得閒爽氣澄天宇，平明過陋巷。有客隨款戶，駕言同出游。洗
此塵壒苦，溶溶太液波。柄柄朱華吐，層橋一凭眺。曉色何媚
嫵，旋經松樹街。載訪詩龕主，主人夙好客。咄嗟設雞黍。

今年芰荷盛，近秋畧未殘。一出德勝門，花事尤可觀。田田葉
如海，極目何瀾漫。光翻明霞錦，香浥碧玉盤。不忍疾驅過，徐
步長河千園林。一水外樓閣，五雲端遐瞻。疲應接小住，聊磐
桓。庶幾投精藍，以永朝夕歡。且喫趙州茶，并飽伊蒲餐。庭梧
意欲落，珍重斯須看。

立秋日同人再游極樂寺作歌

昨日未秋，今日秋連朝。快作城西游，有極樂寺地最幽。一觴
一詠，宜名流國花堂。敞豁兩眸，勺亭更喜環清澗。殿前四松

早化蚪垂楊尙拂行人輶西望五塔勝可搜金剛座自成化
俯褰衣且趁筋力邁蝸旋暗竇恐誤投登涉旣倦思拍浮分
曹射覆交觥籌酒酣日落生離愁二客欲下維揚州時羅山人聘將
還江都顏大令崇或出或處道不侔要勝索米長安留而我
渠將出宰興化久羈將何求所戀戀者惟朋儔此時故鄉樂事稠鱸魚正美
香稻收會當去泛江湖舟舊盟再證閒汀鷗

立秋後五日同年章大令

學齋

招集積水潭分得三字兼

示伍堯祭酒

環都諸泉盛西北入城匯作積水潭映日芙蓉曉灼灼梳風
楊柳秋毵毵我來才值素商節涼波滉漾接輕藍紅愁豔醉
盡入望彷彿客夢還江南龍王堂前地半畝有朋簪盍恣詼

談或解衣誇氣磅礴或拈豪費吟詠誦登樓真去天尺五刺
艇恰容人二三忽聞參差聲欲裂吹簫者南昌譚光行厨
饌佐碧筒飲河朔以後無此酣我從入夏苦多病支榻遑遑
如僂蠹邇來十日屢歡讌較量清福毋乃食物外煙霞行處
有眼前風月何人擔今朝高會須紀述李圖米記蹤宜參賢
象愛客有花縣風雅好事推詩龜

題張蒼水先生畫像

抔土曾尋碧血遺又從圖畫展須眉弓刀豈必輝麟閣姓氏
猶聞重豹皮幾輩易名同

曠典

通鑑中較著者為忠烈共一百二十四人

一篇表墓待豐碑

有司欲立墓碑未果

乙科

私淑瓊山在

明以舉人起家者公之前以海忠介為第一

龍首黃扉空爾為

七夕三首

例有新詩酬七夕且拌枯坐到三更
入秋廿日涼猶透牆角
初聞蟋蟀聲

乞巧心灰旋乞癡年年瓜果費陳詞
近來兩念都忘盡只願
浮生少別離

河漢微雲雨乍過洗車灑淚竟如何
神仙也要填橋渡無怪
人間風浪多

爲伍堯祭酒

法式善

題黃司馬

易

所寫詩龕圖

竹梧蕭瑟水灣環選食詩人此閉關
肯證聲聞文字未獨探
消息性靈閒靜邀彌勒同栖止病許
維摩敷選還自笑吟情
遯鄉思欲煩子久畫家山

寄莊二

與君小別苦相懸，屈指還家是此時。華臉秋風鄉味好，關山瘴雨宦程遲。論文合繼王褒藻，處國猶憐臣朔飢。未得臨岐親折柳，一篇補寄贈行詩。

詩家詩

有序

無錫顧觀察

光旭

選梁溪詩鈔凡千一百一十人，既授

梓同邑賈生

恭

取諸家原本，以嘉慶丙辰九月瘞於錫

山之南，招同人會葬，名曰詩家丁巳夏復來京師徵詩

將勒石焉

晉宗秋圃翁

講處，謂子曾大父行也。嘗輯昆陵百家詩。

文獻桑梓熟衷輯備采風

百家標厥目，觀察今長康。起而踵芳躅，盡搜梁谿詩。十倍猶

未足壽者登棗梨餘焉賸膏馥買生惻然動久恐滋媒驥獲
孰傷子雲投溷悲昌谷爰仿墓大夫葬令統枝族孰古與孰
今三薰更三沐盛之縹瓦缸函以文梓槨惟此斂精魂異彼
埋骨肉庶幾名山藏差勝遼海哭豈無象祁連身名朽俱速
朝聞松栢摧暮見狐兔伏何如茲冢安佳城九龍卜盜心阻
摸金嘉禮等瘞玉句聯新故吟書任子孫鬻人傳香一瓣客
薦泉盈掬同心旣難得好事亦堪錄後此千百年誰爲生也

續

題碧湖春泛圖爲戴太常

瑤

碧浪湖頭春水生畫船徐泛出春城山光四面鏡中合塔影
一枝雲外撐清遠至今勞夢想韶華幾度費吟情披圖我憶

曾游處訪戴何年載酒行

哭畢尚書沅

梁園曾記做華筵蹤跡鴻泥又十年嶽瀆大都歸部下秦華街

江淮河濟皆君宦迹所至封疆誰復出公前螭切舊夢巍科稱鸚舍糾陽

惡耗連君弟灑亦於今春去世聞說楚天烽漸息幾時丹旆返江壘

詔書昨下郵勞臣共羨榮哀及此辰絕大仔肩殊有識最疎

節目不嫌真非緣媼姪關情厚贈公爲子僚婿想見孤寒灑淚頻矣

世慶延應未艾門基負荷竟何人

羅山人聘以所摹海嶽硯山圖見示予二十八年先在平

湖高氏曾見此山并爲作歌既錄舊詩復系一絕

東湖曾泛廿年前風雪高堂說米顛莫問移山近何處六峯

已有兩峯傳

題莊上舍

曾儀

印存

消遣窮愁幾歲寒，自言摹印得奇觀。家風參透南華訣，迎刃

庖丁一例看。

中秋日何戶部

元稹

工部道生

兄弟招同人游法源寺歸

集寓齋小飲作

秋色忽過半游蹤，及此攀情盞無客。到佳節有人閒，鄉夢懸

雙桂

吾家庭前二桂極古

齋心契八關，緣牆都薜荔。入望儼深山

好客難，兄弟殷勤勸。駐車酒情酣，側帽琴思託。平沙

工部善琴 斲

捷詩誰就飛騰日，又斜拌乘餘醉返坐。看出蝦蟆

中秋夜過戴吉士

殷泗

宅款扉而入，則既寢矣。榻前坐譚

良久翌日吉士有詩因次其韻

中秋幾度見清光遣此良宵未有方爲訪懷民頻叩戶肯同
子敬遠移牀生來逸興貧難減消到雄心老不狂畢竟瓊樓
高處好欲從君去一迴翔

丁巳八月二十二日第四女少媛適涪州周氏口占五詩
送之

無多骨肉屢相違別淚時時爲一揮二十五年依膝下那堪
又送汝于歸

宛轉深閨費護持最先失母嫁偏遲而今禽向方償願告慰
泉臺知不知

賣田索米計誠賒竹筒練袞氣自華一語解嘲還志妨由來

婦德出貧家

聞闔風微不動塵街循槐樹碾香輪莫嫌蜀道如天遠同住
春明卽比隣

名卿世閥衆爭推玉潤兼聞快婿才好去觀型勤問寢二南
誦後誦南陔

太保大學士誠謀英勇公章佳文成公挽詞

位業三台地勲威百戰場民知相司馬敵畏見汾陽遠應龍

蛇讖真令朝野傷爭傳大星隕昨夜失寒芒

公歿前一夕有隕星之異

稽古易名典惟茲曠代隆贈兼周太保爵本漢三公聞疾垂

慈淚

太上皇帝在熱河知公疾狀揮淚者數刻

臨喪致

聖躬

皇帝親臨奠醴

應緣鼓聲響

軫念及元戎

人美委蛇度吾言瞻視尊有風清使節惟水似臣門異已難
生謗儲才不市恩詎誦伏枕語國是尙頻論

前因原歷歷金粟正開時剛效崧生祝俄成木壞悲氣嚴情
自厚澤遠毅能詒譏定歸青史撼哀且綴辭

贈韓比部

對

憶昔逢君十五六共羨人如溫潤玉明經名達

天子廷試以吏才教折獄看君翔步白雲司我亦隨行到鳳
池禪院曾吟小秋句書堂記和短檠詩我臥滄江庚蟀改君
旋揮巡南至海但見珠從合浦歸不聞石向端溪采燕泥又
認舊巢痕風雨閒將往事論自悔知非當歲晚卻輸疆仕得

官尊商量出處詞珍重庭闈各有靈椿奉努力君爲養志人
灰心我作還家夢無忘頻寄日邊書準擬扁舟返弊廬便趁
春風依講席相邀陽羨買田居

尊前是升子老友
也時主講蜀山

重九後一日同伊比部

乘綬

游普覺寺

香山距城遙傑直始一至巖泉阻游蹤簡牘了公事歸途覓
精藍乘興賴同志時已重陽過暖若三春季入門風日佳雜
樹丹黃蔽溝深通櫻桃壁古滿薜荔嗟我時雙閣升陟得初
地登高不嫌遲補昨所未遂琳宮有金仙長枕復大被遽然
丈六身夢歷千百世山僧謂余言佳景四時備結夏此尤宜
下榻君其試自憐塵勞人良愧居停意明年知何方踐約恐

非易

十月六日訪瓜爾佳大令

積善

於晚香別業對鞦韆小飲流

連竟日卽事成篇

訪鞦何處佳城西乃無匹驅車路任遙款戶情已逸曖曖小
春天森森晚香質或如絳雪霏或比黃金茁不肯寄人籬相
將入此室照耀有精神位置稱疎密名葩信難邁奇種矧未
悉到眼色應迷盟心節無失主人今陶潛出處與之一會栽
河陽花慕種彭澤秫簪紱早恬澹衣冠尙真率時揮南唐琴
大令家藏有
係大間琴獨抱東籬鄰每當花放時置酒鮮虛日我來甫
一面名論欣四出家僕雜簋陳藏醪巨觴溢斜陽惜易盡餘
興苦未畢搗尊待重過得句盍先述

十月十九日同人攜酒集周編修

厚轅

齋中舉展重陽會

次何員外道生韻

長安最好晚秋時，例展重陽又此期。
載酒維摩新拓室，看花靖節舊編籬。
官閒便覺光陰駐，交寡應於會合宜。
風味客中原不惡，何如鱸膾與蓴絲。

豪情未減戲逢場，深坐宜嫌夜氣涼。
笑任衆賓歸寂莫，愛看孤月出青蒼。
插萸屐歎顛毛白，采藥終期手爪黃。
安得結鄰何水部，斜陽古柳築村莊。

牧翁詩斜陽古柳趙家莊

移居和宋祠部

鳴琦

新營十笏小於舟，窗外疑通暗水流。
載酒客多忘禮數，著書人豈爲窮愁。
牆依老樹寒聲滿，盆放疎梅暖氣浮。
好共銷磨過九九，小車竟日爲淹留。

紫雲翠幄最繁枝曾款門於春暮時

君舊寓藤花極盛

三宿東痕偏

可戀一肩家具卻頻移誰能先泛煙波宅有約同游風雨池

我亦古藤花下客乞君重和舊題詩

癸丑甲寅之間余僦居竹垞古藤書屋

冬夜吳綸修

裕德

招集接葉亭

次第銷寒快得朋林亭勝處又燒鐙此間祇合名流住幾輩
能來良夜登漸覺倦游人似海尙拌痛飲酒如澗唐花已漏
春消息鄉國南枝放未曾

兩世交情近卅年相看青鬢換華顛輸君早著閒居賦笑我

全虛負郭田且喜論心都坦率未妨卽事共流連何當擧取

婁東筆

王太守宸嘗作接葉亭圖

圖記重教雅集傳

附和作

掃選年來漸少朋，何期連夕共挑燈。
囊中句好縛先引，海上魚鮮俎可登。
但許論交無鑿柄，不妨飲水辨淄澠。
劇憐踏鼓朝天客，屢問銀壺漏轉曾。

瞬息流光欲判年，聊於投轄寄狂顛。
雲霄可奮先垂翼，江水堪盟未有田。
銷鑠雪霜顏易老，勾留風月會應連。
荒齋那稱名流集，或借新詩異日傳。

銷寒第三集集吳吏部

樹萱

齋中卽用移居韻

自還蜀道歲頻遷，卻喜新來卜宅偏。
半壁粘猶舊詩句，雙扉掩卽小林泉。
論文我久推吳質，入畫君應傲葛仙。
宦海莫如人海穩，好官何必定多錢。

葛稚川有移家圖

今歲長安無雨雪，江南春憶故山梅。
醉鄉且共呼游寄歸夢。

休教鷗鷺猜大戶人誰甘北面廣庭月易向西顧膏騰不覺
寒威重坐聽統如街鼓催

子 巽

姪學彭

校字

亦有生齋集詩卷第十五